



Publicaziuns dalla vischnaunca, jamna 25

Damonda da baghegiar

Nr. 2011-1038

Datum da publicaziun: ils 24 da zercladur 2011

Il patrun: Gion Battesta Manetsch-Vincenz e Placi Manetsch, Via Sogn Valentin 30, 7183 Mumpé Medel

Il representant: Gion Battesta Manetsch-Vincenz, Via Sogn Valentin 30, 7183 Mumpé Medel

Object: Sanaziun dil baghetg, parcelas 2168 e 2179, Via Crestas 17, 7183 Mumpé Medel

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta scretta dil recurrent ni da siu representant.

Disentis/Mustér, ils 20-6-2011

Uffeci da baghegiar Disentis/Mustér

Concept davart las surfatschas da cumpensaziun ecologicas

Dacuort ha la suprastanza communal decidu da realisar per la vischnaunca da Mustér in concept davart las surfatschas da cumpensaziun ecologicas. Il resultats dil concept vegnan silsunter duvrai per fixar las indemnisaziuns als cultivaders da terren. L'incarica ei vegnida surdada al biro Atragene cun ils collaboraturs Daniela Lemp e Peter Weidmann da Cuera.

Las lavurs ein previdas el decuors dalla primavera e stad 2011. Sin fundament dalla schitgira eis ei pusseivel che certas lavurs vegnan anticipadas sin in auter onn. El decuors digl unviern vegnan ils cultivaders da terren orientai davart il resultats dallas lavurs.

Nus supplichein la populaziun da prender enonuschientscha.
Suprastanza communal

Clauder pastira

L'administraziun communal sto adina puspei prender encunter reclamaziuns da hosps ed indigens en connex cun transitar pastiras sin sendas officialas da spassegiar e viandar. Gest tier la pasculaziun da vaccas-mumma ein differentamein sedai malemperneivels ni schizun prigus inscunters.

Nus supplichein ils possessurs d'animals da clauder lur terren e las pastiras aschia, ch'ils viandonts san passar sin las sendas senza impediments e senza disturbar ils animals che pasculeschan. Cheutras duei vegnir impedi ch'ils animals attaccan personas, quei che sa haver malemperneivlas consequenzas cun pretensiuns da responsabladad. Bien engraziament per il risguard.

Suprastanza communal



Cussegl da vischnaunca

Mustér sustegn la collaboraziun cun Sedrun ed Andermatt

En sia seduta dils 17 da zercladur 2011 ha il cussegl da vischnaunca approbau unanimamein il concept per ina stretga collaboraziun denter Mustér – Sedrun ed Andermatt cun la pretensiun ch'ina colligiaziun dils territoris da skis denter la Val d'Ursera e la Surselva cumpegliera Mustér. Plinavon ha el priu enconuschientscha dil plan da finanzas per 2012–2016 e tractau duas intervenziuns parlamentaras.

Dapi varga in onn ein las structuras turisticas e las cooperaziuns pusseivlas en discussiun. Per surmontar las divergenzas ha Sedrun Mustér Turissem instradau in project (Optimavista). Ils exponents dil turissem e dallas duas vischnauncas da Tujetsch e Mustér han intercuretg las pusseivladads d'optimar l'organisaziun e l'activitad turistica. Ella seduta ha il meinaproject, Marcel Friberg, orientau d tagliadamein sur dils resultats dalla «meisa rodunda» ch'ei arrivada alla conclusiun ch'ina collaboraziun denter las duas vischnauncas e cun la Val d'Ursera seigi la sligiaziun la pli adattada. Il niev directur da SMT, Stefan Hantke, constatescha che l'organisaziun presta buna lavur. Sin proposta dalla «meisa rodunda» seigi ei vegniu installau ina grupp cun las pendicularas e las uniuns da gastro per coordinar las acziuns da marketing. La presidenta dil cussegl da vischnaunca, Rita Huonder-Tenner informescha sur dalla petiziun dils dus presidents «per in avegnir turistic communabel ella Sursassiala». Quei postulat ha anflau grond sustegn ella populaziun e muossa ch'il pievel en omisdus vischnauncas giavischa ina stretga collaboraziun. Cusseglie e deputau Heinrich Berther, ha representau las autoritads communalas ella grupp da lavur. El dilucidescha ils motivs per la sligiaziun presentada.

Dacuort ha la suprastonza communal suttamess il rapport final a Gastro Mustér e Val Medel, allas Pendicularas Mustér SA, alla scola da skis ed a SMT cun la supplica da prender posiziun entochen la fin da zercladur 2011. Sco il president communal, Dumeni Columberg accentuescha, ein las autoritads communalas adina s'engaschadas per ina collaboraziun regiunala. La Sursassiala collaborescha sin numerus secturs e quei cun success. Per ademplir a moda efficienta las incaricas futuras ei ina intensiva collaboraziun indispensabla. Perquei fa la vischnaunca part dil project San Gottardo. Entras la vischinonza cun Andermatt spera ella da profitar dil niev center turistic (ASA). Cundiziun per ina collaboraziun ei denton, ch'era Mustér vegni integras el concept d'ina colligiaziun dil territori da skis.

Quella vision selai realisar pass per pass. Sin fundament dalla resoluziun dils 26 da fevrer 2010, dalla posiziun dils 27 d'uost 2010 sco era sin fundament dalla recumandaziun dalla grupp da lavur «meisa rodunda» dil project per intercuretg l'organisaziun turistica e per migliorar la collaboraziun denter ils differents partenaris (Optimavista), en special dil rapport final «Avegnir dil turissem – Sedrun – Mustér - Andermatt» sco era dalla petiziun «per in avegnir touristic communabel ella Surselva» approbescha il cussegl da vischnaunca unanimamein la sligiaziun preferida, numnadamein ina stretga collaboraziun denter Mustér – Sedrun ed Andermatt cun la pretensiun ch'ina colligiaziun dils territoris da skis denter la Val d'Ursera e la Surselva cumpegliera Mustér.

Suprastonza communal

Controlla da habitonts

Naschientschas

Maissen Flurina, naschida ils 14 da zercladur 2011, feglia da Ivo e Manuela Maissen naschida Bigliel.

Mortoris

Alois Truaisch-Baselgia, naschius ils 26-8-1910, morts ils 15-6-2011.

Tomas Petschen-Schmed, naschius ils 22-3-1927, morts ils 19-6-2011



Apparats d'udida

Gliendisdis, ils 27 da zercladur 2011 denter las 14.00 e las 16.00 saveis Vus schar schubergiar e regular Vies apparat d'udida en Casa da tgira Sursassiala. L'uniun Pro Audito Chur, cun signur Arthur Jacomet fa quei survetsch per tuts interessents gratuitamein.

Liug: Casa da tgira Sursassiala, stiva da schiember.

Cordiala invitaziun
Casa da tgira Sursassiala

Ludoteca Mustér

Adatg! Ils meins fenadur ed uost resta la ludoteca mintgamai serrada la gievgia.

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

<i>Gliendisdis</i>	<i>18.30–20.00</i>
<i>Mardis</i>	<i>13.30–15.00</i>
<i>Gievgia</i>	<i>16.00–17.30</i>
<i>Venderdis</i>	<i>18.30–20.00</i>

Nies motto: Leger . . . tedlar . . . mirar . . . !

Nus selegrein da mintga viseta.
Biblioteca populara Mustér
